

纂輯醫史凡例 七條

一 歷代名臣凡史傳所載者謹備錄之於前五矣其所散見各家文錄者亦錄之以備遺則俱列於後五卷

一 古之名臣前史已有傳者既錄之矣乃若張仲景王叔和啟玄子習醫之宗也良不可無傳今皆補之其絕無事實如巫咸巫彭矯氏盧氏俞氏崔文子公孫光之類則闕之

一 凡各家文集中所載序記雜文凡為名臣而作者實繁其篇悉弗錄不可勝錄也

一 諸名医学本素難方術醇正者則錄之如晉書所載佛圖澄單道開之類頗涉幻誕悉黜之不錄恐滋後人之惑

一 凡區區別有見聞本傳之所未及者或間有一得之愚僭刊傳後以諗觀者

一 近代名匠如劉守真張子和李明之諸子平生著述頗多其治療奇驗不可勝數而金元史載之甚略今姑依史錄之不敢增也

一 山林索居書籍鮮少故於古之名匠蒐羅未書增廣補遺以俟博雅君子

醫史目錄

浚儀李濂輯

卷之一

左傳二人

醫和 緩

史記二人

扁鵲傳 太倉公傳

卷之二

後漢書四人

郭玉傳

華佗傳

弟子

吳普 樊阿

晉書一人

葛洪傳

宋書八人

徐文伯傳

曾祖熙祖秋夫父道度
叔父叔嚮子難

徐嗣伯傳

薛伯宗

南齊書一人

褚澄

北齊書一人

馬嗣明傳

卷之三

後魏書九人

李脩傳

徐謩傳

徐之才傳

王顯傳

崔或傳

子景哲
景哲子問
景鳳

周澹傳

後周書二人

姚僧垣傳

褚該傳

卷之四

隋書二人

許藏智傳

許澄

舊唐書九人

孫思邈傳

許胤宗傳

甄權傳 弟立言

張文仲傳
季處縱
韋慈藏

孟詵傳 宋俠

卷之五

宋史六人

龐安時傳

許希傳

僧智緣傳

王克明傳

皇甫坦傳

錢乙傳

遼史二人

直魯古傳

耶律敵魯傳

金史五人

劉完素傳

張從正傳

張元素傳

李慶嗣傳

紀天錫傳

元史一人

李杲傳

東垣老人傳

卷之六

張仲景

補傳

王叔和

補傳

啟玄子

補傳

張擴傳

吳源傳

卷之七

丹溪翁傳

王履補傳

戴元禮

補傳墓誌銘附

卷之八

樓寧生傳

敷山老人傳

墓誌銘附

卷之九

滄洲翁傳

葛應雷補傳

子乾孫

卷之十

抱一翁傳

蔣用文傳

橘泉翁傳

張養正傳

歷史目錄終

醫史卷之一

後儀李瀛輯

左傳二人

醫和傳 緩

醫和者秦醫也晉平公十七年公疾病求醫於秦秦
景公使和視之曰疾不可為也是謂近女室疾如蠱
非鬼非食惑以喪志良臣將死天命不祐公曰女不
可近乎對曰節之先王之樂所以節百事也故有五
節遲速本末以相及中聲以降五降之後不容彈矣
於是有煩手淫聲惱心耳乃忘和平君子弗聽也

物亦如之至於煩乃舍也已無以生疾君子之近琴瑟以儀節也非以惱心也天有六氣降生五味發為五色徵為五聲淫生六疾六氣曰陰陽風雨晦明也分為四時為序五節過則為菑陰淫寒疾陽淫熱疾風淫末疾雨淫腹疾晦淫惑疾明淫心疾女陽物而晦時淫則生內熱惑蠱之疾今君不節不時能無及此乎出告趙孟趙孟曰誰當良臣對曰主是謂矣主相晉國於今八年晉國無亂諸侯無厥可謂良矣和聞之國之大臣榮其寵祿任其大節有菑禍興而無改焉必受其咎今君至於淫以生疾將不能圖恤社

稷禍孰大焉主不能禦吾是以云也趙孟曰何為蠱
對曰湯溺惑亂之所生也於文皿蟲為蠱穀之飛亦
為蠱在周易女惑男風落山謂之蠱皆同物也趙孟
曰良医也厚其禮而歸之是歲也趙文子卒十年而
平公薨先是晉景公之十九年公疾病亦使求医於
秦秦桓公使医緩為之未至公夢疾為二豎子曰彼
良医也懼傷我焉逃之其一曰居育之上膏之下若
我何緩至曰疾不可為也在育之上膏之下攻之不
可達之不及藥不至焉不可為也公曰良医也亦厚
之禮而歸之無及而景公薨或曰緩即和也音訛耳

或問醫和診晉侯之脉而知其良臣將死有
是理邪曰有之不聞僧智緣乎智緣診父之
脉而能道其子之吉凶固不奇中王珪蓋嘗
疑之荆公曉之以爲實有是理夫診子既可
以知父則診君亦可以知臣非洞達陰陽造
化之妙者其孰能與于斯

史記二人

扁鵲傳

扁鵲者渤海郡鄭人也姓秦氏名越人少時爲人舍
長舍客長桑君過扁鵲獨奇之常謹遇之長桑君亦

知扁鵲非常人也出入十餘年乃呼扁鵲私坐間與語曰我有禁方年老欲傳與公公毋泄扁鵲曰敬諾乃出其懷中藥予扁鵲飲是以上池之水三十日當知物矣乃悉取其禁方書盡與扁鵲忽然不見殆非人也扁鵲以其言飲藥三十日視見垣一方人以此視病盡見五藏癥結特以診脉為名耳為醫或在齊或在趙在趙者名扁鵲當晉昭公時諸大夫彊而公族弱趙簡子為大夫專國事簡子疾五日不知人大夫皆懼於是召扁鵲扁鵲入視病出董安于問扁鵲扁鵲曰血脈治也而何怪昔秦穆公嘗如此七日而

寤寤之曰告公孫支與子輿曰我之帝所甚樂吾所
以久者適有所學也帝告我晉國耳大亂五世不安
其後將霸未老而死霸者之子且令而國男女無別
公孫支書而藏之秦策於是出夫獻公之亂文公之
霸而襄公敗秦師於殽而歸縱淫此子之所聞今主
君之病與之同不出三日必間間必有言也居二日
半簡子寤語諸大夫曰我之帝所甚樂與百神遊於
鈞天廣樂九奏萬舞不類三代之樂其聲動心有一
熊欲援我帝命我射之中熊熊死有羆來我又射之
中羆羆死帝其喜賜我二笥皆有副吾見兕在帝側

帝屬我一翟犬曰及而子之壯也以賜之帝告我晉
國且世衰七世而亡嬴姓將大敗周人於范魁之西
而亦不能有也董安子受言書而藏之以扁鵲言告
簡子簡子賜扁鵲田四萬畝其後扁鵲過號號太子
死扁鵲至號宮門下問中庶子喜方者曰太子何病
國中治穰過於衆事中庶子曰太子病血氣不時交
錯而不得泄暴發於外則為中害精神不能止邪氣
邪氣蓄積而不得泄是以陽緩而陰急故暴蹙而死
扁鵲曰其死何如時曰鷄鳴至今曰收乎曰未也其
死未能半日也言齊臣勃海秦越人也家在於鄭宋

嘗得望精光侍謁於前也聞太子不幸而死臣能生
之中庶^子曰先生得無誕之乎何以言太子可生也臣
聞之上古之時臣有俞跗治病不以湯液醪醴鑿石
撝引案杭毒熨一撥見病之應因五藏之輸乃割皮
解肌訣脉結筋搦髓腦揲荒爪幕漚浣腸胃漱滌五
藏練精易形先生之方能若是則太子可生也不能
若是而欲生之曾不可以告咳嬰之兒終日扁鵲仰
天嘆曰夫子之為方也若以管窺天以郛視文越人
之為方也不待切脉望色聽聲寫形言病之所在聞
病之陽論得其陰聞病之陰論得其陽病應見於大